

# যুগান্তর

প্রিন্ট: ১৩ নভেম্বর ২০২৫, ১০:২০ এএম

শিক্ষাঙ্গন

## ঢাকা বিশ্ববিদ্যালয়ের ৫ স্থাপনায় তালা দিল নিষিদ্ধ ঘোষিত ছাত্রলীগ



যুগান্তর প্রতিবেদন

প্রকাশ: ১২ নভেম্বর ২০২৫, ১২:৫১ পিএম



ছবি: সংগৃহীত

ঢাকা বিশ্ববিদ্যালয়ের পাঁচটি স্থাপনার মূল ফটকে তালা ঝুলিয়েছে নিষিদ্ধ ঘোষিত সংগঠন ছাত্রলীগ। আগামী ১৩ নভেম্বরের ‘লকডাউন কর্মসূচি’র অংশ হিসেবে তারা এ তালা লাগিয়েছে।

মঙ্গলবার (১১ নভেম্বর) মধ্যরাতে এ ঘটনা ঘটে।

তালাবদ্ধ স্থাপনাগুলোর মধ্যে রয়েছে—চারুকলা অনুষদ, শিক্ষা ও গবেষণা ইনস্টিটিউট (আইইআর), পুষ্টি ও খাদ্যবিজ্ঞান ইনস্টিটিউট, কার্জন হলের প্রধান ফটক এবং বিজ্ঞান ভবন।

ঘটনার পর ঢাবি শাখা ছাত্রলীগের সভাপতি মাজহারুল কবির শয়ন তার ফেসবুক পেজে তালাবদ্ধ স্থানগুলোর ছবি শেয়ার করে লেখেন, ১৩ তারিখ সারাদিন, লকডাউন সফল করুন। লকডাউন বিএসএল- চারুকলা অনুষদ, আইইআর, পুষ্টি ও খাদ্য বিজ্ঞান ইনস্টিটিউট, কার্জন হল গেট, বিজ্ঞান ভবন, ঢাকা বিশ্ববিদ্যালয়।

### ঢাকা ও আশপাশের জেলায় বিজিবি মোতায়েন

এর আগে ৮ থেকে ১২ নভেম্বর পর্যন্ত দলীয় লকডাউন কর্মসূচি ঘিরে রাজধানীতে সহিংস কার্যক্রম অব্যাহত রেখেছিল আওয়ামী লীগের বিভিন্ন অঙ্গ ও সহযোগী সংগঠনের নেতাকর্মীরা।

এ বিষয়ে ঢাকা বিশ্ববিদ্যালয়ের সহকারী প্রক্টর ড. মুহাম্মদ রফিকুল ইসলাম বলেন, আমরা ইতোমধ্যে কিছু তথ্য পেয়েছি, তবে সম্পূর্ণ আপডেট এখনও হাতে আসেনি। প্রায় এক ঘণ্টা আগে দায়িত্বপ্রাপ্ত কর্মকর্তাদের সঙ্গে কথা হয়েছে, তদন্ত এখনও চলছে। সব তথ্য হাতে পেলেই যথাযথ ব্যবস্থা নেওয়া হবে।

তিনি আরও বলেন, ক্যাম্পাসে বিভিন্ন স্তরের কর্মকর্তা, কর্মচারী ও শিক্ষার্থীদের মধ্যে যারা এ ঘটনার সঙ্গে সম্পৃক্ত, তাদের চিহ্নিত করার কাজ চলছে। আজকের মধ্যেই সংশ্লিষ্টদের শনাক্তের চেষ্টা করছি।